

RANCANGAN PEMAJUAN NASIONAL



Menuju kesejahteraan rakyat Malaysia

■ KUALA LUMPUR - NOV.

KEMENTERIAN Kesejahteraan Bandar, Perumahan dan Kerajaan Tempatan (KPKT) melalui PLANMalaysia telah menyediakan Rancangan Pemajuan Nasional yang merangkumi Rancangan Fizikal Negara Ke-3 (RFN Ke-3), Dasar Perbandaran Negara Kedua (DPN2) dan Dasar Perancangan Fizikal Desa Negara (DPF Desa Negara) dalam menuju ke arah menjadi sebuah negara maju, progresif dan inklusif dari segi ekonomi, fizikal, sosial dan alam sekitar serta memastikan pertumbuhan yang berterusan selepas tahun 2020 untuk segenap ceruk tanah air iaitu bagi kawasan bandar dan desa.

Pelbagai usaha telah dibuat bagi memastikan hasrat Kerajaan ini dapat dicapai dengan jayanya mengikut perancangan.

Menurut YB Tan Sri Noh Omar, Menteri Kesejahteraan Bandar, Perumahan dan Kerajaan Tempatan komitmen daripada semua agensi sama ada Kerajaan, Swasta, NGO dan juga rakyat amat diperlukan bagi merealisasikan Malaysia yang Sejahtera. Penyediaan Rancangan

Semua pihak sama ada Kerajaan, Swasta, NGO dan juga rakyat harus memberikan komitmen bagi merealisasikan rancangan Malaysia yang sejahtera ini”

TAN SRI NOH OMAR
Menteri Kesejahteraan Bandar,
Perumahan dan Kerajaan Tempatan



Pemajuan Nasional telah melalui beberapa proses rundingan dan perbincangan melibatkan pelbagai agensi dari peringkat persekutuan, negeri dan tempatan serta pertumbuhan bukan kerajaan, IPTA dan orang awam.

Bertujuan bagi memastikan ketiga-tiga dokumen ini dapat diterjemahkan dengan lebih tepat dan dijadikan sebagai dokumen perancangan fizikal bersama agensi-agensi berkaitan dan rakyat bagi

mengimbangi pembangunan perbandaran dan desa di Malaysia.

Ketiga-tiga dokumen ini turut mengambil kira dan menterjemahkan dasar dan halatuu pembangunan kerajaan persekutuan meliputi Bidang Keberhasilan Utama Negara, Program Transformasi Ekonomi, Rancangan Malaysia 5 tahun serta komitmen peringkat global Sustainable Development Goals (SDGs) dan New Urban Agenda (NUA).



YB Tan Sri Noh Bin Haji Omar, Menteri KPKT semasa Karnival KPKT 2016 untuk Pra Pelancaran RFN Ke-3 dan DPN2 pada 3 Disember 2016 di Dataran Merdeka, Kuala Lumpur.

Malaysia ke arah tahun 2040

MENJELANG tahun 2040, Malaysia dijangka akan mencatat pertumbuhan penduduk yang memecah jumlah 46.1 juta penduduk dengan purata kadar pertumbuhan penduduk tahunan sebanyak 1.67%. Perancangan fizikal untuk mengurus senario pembangunan dan perubahan yang ketara di Malaysia adalah penting bagi menjamin sebuah negara yang berdaya tahan dan berdaya huni.

Sementara itu, Datuk Haji Mohammad MenteK, Ketua Setiausaha, Kementerian Kesejahteraan Bandar, Perumahan dan Kerajaan Tempatan menyatakan negara juga akan menjadi negara menua (ageing population) menjelang tahun 2040 di mana 19.8% penduduk berada dalam kumpulan umur 60 tahun dan ke atas berbanding 9.24% pada tahun 2015. Ini akan memberi tekanan kepada perkhidmatan kesihatan dan perancangan fizikal yang perlu memenuhi keperluan mereka.

Hasrat Malaysia adalah untuk



Perancangan fizikal yang perlu memenuhi keperluan penduduk menjelang tahun 2040 di mana 19.8% akan berumur 60 tahun dan ke atas.”

DATUK HAJI MOHAMMAD BIN MENTEK
Ketua Setiausaha
Kementerian Kesejahteraan Bandar,
Perumahan dan Kerajaan Tempatan

menjadi sebuah negara maju, progresif dan inklusif dari segi ekonomi serta memastikan pertumbuhan yang berterusan selepas tahun 2020.


Pembangunan negara juga akan tertumpu kepada kesejahteraan rakyat dan kualiti hidup, kemampunan,

struktur ekonomi serta daya tahan dan kualiti kerja.

Pendapatan isi rumah yang lebih tinggi akan meningkatkan kualiti hidup dan kesejahteraan rakyat. Selaras dengan Rancangan Malaysia Kesebelas (RMKe-11), meningkatkan taraf isi rumah B40 ke arah masyarakat kelas menengah telah dikenalpasti sebagai antara sasaran dalam mencapai status Negara Maju dan Berpendapatan Tinggi. Ke arah ini, usaha-usaha yang dikenalpasti adalah seperti meningkatkan pendapatan dan kekayaan isi rumah, menangani kos sara hidup yang meningkat dan juga memperkukuhkan sistem penyampaian program isi rumah B40.

SASARAN RFN KE-3 TAHUN 2040
46.1 juta orang (Malaysia)

Purata pertumbuhan penduduk tahunan 2015-KPPT 1.67%



Penentuan sempadan bandar di Malaysia

PERTUMBUHAN bandar yang pesat telah mewujudkan cabaran-cabaran baru yang memerlukan satu perancangan dan pengurusan bandar yang lebih sistematik, terancang dan cekap bagi memastikan perkembangan dan persekitaran bandar yang harmoni dan komuniti yang sejahtera.

Potensi perkembangan bandar perlu dirancang dengan sebaik mungkin selaras dengan perubahan teknologi dan cabaran globalisasi supaya dapat memberi sumbangan yang maksimum kepada pertumbuhan ekonomi negara.

Dato’ TPr Dr. Dolhani Mijan, Ketua Pengarah PlanMalaysia Ke-15 mengakui bahawa isu rebakan bandar (urban sprawl) di Malaysia akan dapat ditangani

melalui strategi berkaitan penentuan sempadan bandar seperti yang terkandung di dalam DPN2.

Pada tahun 2025, sebanyak 314 bandar di Malaysia akan mempunyai sempadan bandar yang jelas yang mana akan menyelesaikan masalah kepada penyediaan kemudahan pendidikan, kemudahan kesihatan, kemudahan keselamatan dan sebagainya.

Tiada seorang rakyat pun patut tertinggal dalam mendapatkan

kemudahan yang disediakan oleh pihak kerajaan. Rakyat sepatutnya boleh mendapatkan kemudahan dalam jarak berjalan kaki (400 meter) yang mana akan mengurangkan pergerakan dengan menggunakan kenderaan bermotor. Penyediaan sistem pengangkutan awam yang efisien dan mampu tanggung akan mengurangkan kos sara hidup rakyat dan mengurangkan pelepasan karbon yang boleh memudaratkan alam sekitar.

KERANGKA PERBANDARAN KRITERIA PENETAPAN SEMPADAN BANDAR



Konsep Pembangunan Pekan DPF Desa Negara



- ♦ Tenang & nyaman
- ♦ Kepadatan rendah
- ♦ Semula jadi & hijau
- ♦ Tradisional
- ♦ Keluarga
- ♦ Selamat
- ♦ Kos sara hidup rendah
- ♦ Mesra
- ♦ Komuniti
- ♦ Homegenous

DAYA TARIKAN DESA

- ♦ Pesara
- ♦ Pekerja bandar
- ♦ Profesional
- ♦ Usahawan
- ♦ Tidak tertarik dengan desa
- ♦ Desa rumah kedua



DAYA TARIKAN BANDAR

- ♦ Peluang ekonomi
- ♦ Peluang pekerjaan
- ♦ Moden
- ♦ Canggih
- ♦ Lengkap
- ♦ Hiburan
- ♦ Kemeriahan

PLANMalaysia (Jabatan Perancangan bandar dan Desa sebelum ini dikenali sebagai Jabatan Perancangan bandar dan Desa Semenanjung Malaysia. Mesyuarat Jemaah Menteri pada 25 Januari 2017 telah menimbang dan meluluskan penjenamaan semula nama Jabatan dan didapati tepat dan selaras dengan tanggungjawab Jabatan yang memberi nasihat perancangan di ketiga-tiga peringkat kerajaan iaitu Persekutuan, Negeri dan Kerajaan Tempatan.

www.townplan.gov.my

Tidak perlu ‘membandarkan’ desa tetapi memastikan segala kemudahan di bandar dapat disediakan dan dinikmati oleh komuniti desa.”

YBHG. DATO’ TPr ZAINUDDIN AHAMAD
Ketua Pengarah
PLANMalaysia (Jabatan Perancangan Bandar Dan Desa)

Projek luar biasa, bertaraf dunia

SELAIN pengurusan kawasan bandar yang mampan, kerajaan juga menjadikan kawasan desa sebagai fokus perancangan utama negara kerana proses globalisasi yang mengakibatkan desa-desa di pinggir bandar mengalami tekanan pembangunan yang tinggi.

Dalam usaha melaksanakan strategi-strategi yang telah ditetapkan oleh kerajaan dalam RMKe-11, DPF Desa Negara menggariskan dasar-dasar dan strategi bagi memastikan kawasan desa dipulihara dan dikawal melalui pelaksanaan penandaan

sempadan kampung di Semenanjung dan Wilayah Persekutuan Labuan yang melibatkan 17,571 kampung di Semenanjung Malaysia dan Wilayah Persekutuan Labuan.

DPF Desa Negara 2030 juga menggalakkan proses kebangkitan semula desa (rural rebound) dengan mensasarkan perubahan yang positif bagi kawasan desa dengan menjadikan desa sebagai tempat tinggal pilihan kerana faktor keindahan dan ketenangan desa serta disokong oleh peluang pekerjaan dan kemudahan awam yang baik.

4 Strategi Gerakan Daya Wawasan



Perkasakan komuniti pemangkin pembangunan desa

KOMUNITI desa bertanggungjawab serta memainkan peranan penting untuk menentukan dan merangka tindakan pembangunan melalui penglibatan secara aktif dan peranan utama dalam urusan tadbir desa bertujuan untuk meningkatkan taraf sosioekonomi penduduk dan kesejahteraan komuniti secara keseluruhannya.

Menurut Dato’ TPr Zainuddin Ahamad, Ketua Pengarah PlanMalaysia pemerikasaan komuniti desa memberi manfaat kepada pembangunan sosial komuniti yang

merangkumi semua lapisan masyarakat termasuk golongan OKU dan golongan miskin selain dapat mengubah budaya komuniti yang sebahagiannya lebih cenderung menunggu atau bergantung kepada agensi-agensi berwajib sahaja bagi membangunkan kawasan desa/kampung.

Dengan ini, peranan kerajaan adalah minimum dan tidak perlu ‘membandarkan’ desa tetapi memastikan segala kemudahan di bandar dapat disediakan dan dinikmati oleh komuniti desa.